



Rector Academiae Ienensis Johannes Suevius I. U. D. Et Reliqui
Professores L. S. P. : Praesens festivitas unicuique nostrum in memoriam
revocare debet Apostolicum oraculum ... P. P. Ienae fer. Pentedostes prima
Ann. a nato Servatore 1630.

Ienae

Suevus, Johann

Phil 2° 00268/04 (176)

https://dhb.thulb.uni-jena.de/receive/ufb_cbu_00007472

urn:nbn:de:urmel-f2f79feb-f7b3-4387-a166-fd5fc75a70d18-00006836-14

Lizenz: <https://creativecommons.org/licenses/by-sa/4.0/>





urn:nbn:de:urmel-f2f79feb-f7b3-4387-a166-fd5fc75a70d18-00006836-14

RECTOR ACADEMIÆ JENENSIS
JOHANNES SVEVIUS J. V. D. ET RELI-
QVI PROFESSORES L. S. P.

Dixens festiuitas unicuique nostrum in memoriam revocare debet Apostolicum oraculum. *Qui Spiritum Christi non habet, hic non est eius.* Rom. 8. v. 9. *Quicumque vero Spiritu Dei aguntur, illi sunt filii Dei v. 14.* Nimirum quemadmodum homo in hac vita ad illud dignitatis ac felicitatis fastigium ascendere potest, ut fiat templum & habitaculum Spiritus Sancti: ita quoque ad istam miseræ profunditatem ac barathrum delabi potest, ut fiat cloaca Spiritus maligni, Luc. 11. v. 26. Neque hic datur medium aliquod, sed omnis homo aut est Spiritus Sancti templum, aut est Spiritus maligni habitaculum. Ut enim inter credentes & incredulos, inter filios Dei & filios Diaboli, inter cælum & infernum, inter salutem & damnationem tertium aliquod non datur, ita quoque inter Spiritus Sancti templa & Spiritus maligni habitacula medium aliquod minimè potest inveniri. O extremam igitur eorum miseriam, qui Spiritus Sancti gratiosâ in habitatione destituti, maligno Spiritui in cordibus suis præbent hospitium! Sine Spiritu Sancto quid aliud est homo nisi umbra sine corpore, aut corpus sine anima, aut anima sine sensu, aut sensus sine ratione, aut ratio sine virtute, aut virtus sine gratia? Sicut arida terra, si non percipiat humorem, non fructificat: sic homines propter naturæ corruptione ligni aridi existentes sine sancti illi Spiritus S. pluvia Ps. 68. v. 10. non fructificant ad uitâ, ut habet Irenæus lib. 3. cap. 19. Eiusmodi homines à Christo extores & Spiritus maligni habitacula meritis censentur, quorum carnis suæ concupiscentiis secum indulgent, pravis operibus delectantur & peccatorum pulvinari suauiter indormiscunt. Columba ex arca Noë emissa non insidebat cadaveribus, ideo etiam ad Noahum in arcam redibat Gen. 8. v. 9. sic Spiritus Sanctus, qui in columba specie super Christum in Baptismo descendit, Matth. 3. v. 16. renuit in illis habitare, qui sunt in peccatis mortui. Eph. 2. v. 1. Coloss. 2. v. 13. Contrà verò de obsessis à Diabolo Matth. 13. v. 28. dicitur, quod habitauerint in sepulchris: sic Spiritus malus gaudet habitare in illis, qui delectantur mortuis peccatorum operibus Heb. 9. v. 14. de quibus dicitur: Sepulchrum patens guttur eorum Pl. 14. v. 3. qui limites sunt sepulchris dealbatis, quæ foris apparent speciosa, intus verò plena sunt ossibus mortuorum & omni spurcitiâ Matth. 23. v. 27. quorum mens & conscientia sunt inquinata. Tit. 1. v. 15. Iosephus lib. 7. de bell. Judaic. cap. 12. memorat, ante Hierosolymæ destructionem auditam esse vocem, *Migremus hinc*, quia Hierosolyma, Egeus pro teste, facta fuerat sentina flagitiorum: ita quoque Spiritus Sanctus migrat ab homine, qui flagitiorum sentinam in cordis sui cymbulam recipit & Spiritui malo impulsi sese obsequentem exhibet. Spiritus malus est Spiritus tenebrarum; regnum eius est regnum tenebrarum; opera, ad quæ impellit, sunt opera tenebrarum. Ubi amor istiusmodi tenebrarum, ibi habitat Spiritus tenebrarum, qui habitacula sua secum tandem ducit in tenebras exteriores & æternas. Detestemur ergo illas peccatorum tenebras, ambulemus ut filii lucis, & fidem nostram in Christum veram illam & unicam mundi lucem, operibus lucis demostremus; ita non solum ipsi, sed etiam alii nobiscum agnoscent, nos esse genuinos Dei filios, veros veræ Ecclesiæ cives, Christi viva membra & Spiritus S. templa ac habitacula. Sanctus ille Spiritus regem Dei in corda nostra scribit Jerem. 31. v. 33. est enim *digitus Dei* Luc. 11. v. 20. corroborabit nostram infirmitatem ac dabit nobis virtutem ac robur secundum interiorum hominum Eph. 3. v. 16. est n. *Spiritus virtutis* 2. Tim. 1. v. 7. interiore gaudio corda nostra perfundet ac reficiet, est n. *oleum lætitiæ* Pl. 45. v. 8. de salute nos confirmabit, est n. *Dei sigillum* Eph. 4. v. 30. corda nostra æstu tentationum & calamitatum arefacta vivificabit, confortatur n. *umbra leprosi* Ps. 68. v. 10. ac rari matutino suauiter irriganti Ec. 26. v. 19. corda nostra ad caritatem Dei & proximi inflamabit, quia *in igne* super Apostolos descendit Act. 2. v. 3. ad confessionem intrepide edendam nos animabit, quia in specie *linguarum ignearum* in die Pentecostes sese manifestavit. v. cod. Ad illum suspiremus, ut *lavet*, quod est *fordidum*; *riget*, quod est *aridum*; *sanct*, quod est *sanctum*; *siccet*, quod est *rigidum*; *foveat*, quod est *frigidum*; *regat*, quod est *devotum*, ut Ecclesia hoc tempore de Spiritus S. beneficiis canere consuevit. Quod si verò horum beneficiorum participes reddi cupimus, officium Spiritus Sancti h. e. congregationem sanctorum, in qua ex verbo Evangelii de illis Spiritus S. charismata agitur, a membris necesse est. Verbum est Spiritus S. vehiculum, neque extra verbum Spiritus S. ad salutem nobiscum agit. Gratias ergo nos præstent mærga verbi Ministros, qui sunt salutaria illa Spiritus Sancti organa, per quæ charismatum suorum fluenta in corda nostra derivat, qui cum Spiritus illa nobis seminant, carnalia nostra iure ac merito debent *metere*, 1. Cor. 9. v. 11. Cum primis verò ab ebrietate & luxurie, à morum spurcitiis, à digladiationum intemperie, & ab omnibus legi divinæ adversantibus libet temperent, qui homines ad obsequium Dei obstricti; qui pietatis, honestatis & bonarum literarum studiosi; qui Christiani Servatori Christo consecrati audiunt. Spiritus iste odit sordes nec habitare poterit in corpore subdito peccatis. Cui n. proprium est peccata repellere, ipsi & proprium est peccata odisse, nec in uno domicilio pariter morabuntur munditia tanta & immunditia tanta; quo Bernhardi dicto serm. 3. Pentecost. proposito, & Spiritus hanc nostram concludimus. P. P. Jeanfer, Pen. recites primâ Ann. à nato Servatore 630.

Typis VIDIÆ WEIDNERIANÆ.

urn:nbn:de:urmel-f2f79feb-f7b3-43
87-a166-fd5fc75a70d18-00006836-20